


江西新城縣志



乾隆十六年重修

新城縣志

重修新城縣志序



歲庚午江右奉簡書修志乘前
新城令元和方君暨今令靜樂
李君先後承其事偕邑紳士取
舊志及名山之所藏旁撫父老
之所傳聞叅互考訂別而裁之

新城縣志

葉序

一

閱歲書成問序於予予惟新城
之為邑也無童山無濁水地腴
而民富士之生其間者多美秀
而文蓋得清淑之氣居多者然
前志言隆萬後俗頗澆尚奢靡
又藩邸移染民或好淫巧嬉戲

以今觀之良然凡氣之清者必
浮此亦其流弊之固然歟抑濁
者惡而清亦有不盡美歟予聞
陰陽之氣各毗於偏其毗者天
地自然之數矯而救之以歸於
正則其人之事也宋四儒興而

邑俗一變及其遠也澤亡而俗
随之如舊志云云者邑豈自有
異乎可以思其故矣民富則可
與談禮士美秀則能入道以其
所得救其所失時務之大者也
古之移易風俗不在其郡邑長

之德而才者則在其地之賢士
今使因其山川之靈秀人物之
茂美又當其流弊未極之勢而
轉之其返澆而還淳去奢靡而
循禮節當不其難士之蒞是邑
與其邑之士大夫皆其人無容

諉也予雖駕亦與有責焉於志
之成也揭吾之職與志為之序
皆

乾隆十六年歲次辛未仲秋月
中憲大夫知建昌府事金華葉

新撰



重修新城縣志序

余治新城之二年乃得稍暇謀諸縉紳家將重修邑志適有

憲檄趣其事爰聘新建孝廉夏子檀園修之且延邑之有聞望者勸事焉館局方開余有清江之調幸新令尹靜樂李公周旋

新城縣志

方序

一

營度其間不越歲而告成邑人士繕寫完好書來請余為之序余嘗有言志者小史也史闕一代之氣機志為一邑之命脈修史之難前人言之備矣志何獨不然非剪削芟除則踵陋承訛而已矣非蒐羅採訪則抱殘守缺而已矣學不博則不能窮其

原委識不定則不能察其情偽立之無本
則所託不根言之無文則行之不遠不知
務民之義則馳騁而無所歸宿不知求民
之算則奇零而無所繫維偏聽則失大公
之論徇俗則多拘泥之文此其所以難也
况我

朝百年以來仁漸義摩所以惠綏此民者豈
易殫紀我

皇上世德作求用敷錫厥庶民典章所垂彌綸
宇宙又豈下邑所能脩載今觀此志後先
有次詳略有宜敷陳有體論讚有識固已
難矣若夫深悉民隱念茲在茲於倉廩望

兼年之備焉於陂隄望美利之長焉於民
賦望九職之任焉於學校望人倫之明焉
於風俗望淳樸之還焉於選舉望賢才之
奮焉於藝文望經術之茂焉於詩歌則陳
之所以備太史之采也於二氏則外之所
以立先聖之閑也此雖一邑之志而意念

深遠具有史裁余三復其文而喜何如也
曰是固余與諸君子之志也夫

崑

乾隆十六年仲秋清江知縣前知新城縣
事元和方懋祿譔



續修新城縣志序

一統志縣名新城者四西江居一也
即江縣以新名者多矣而茲獨稱城
蓋因南城分置而稱新以區別之然
自宋歷元縣雖新而志仍舊及明永
樂正德間始纂專志雖代有修者而

或失則略或失則陋有識者譏之若
夫志兼述作義歸感創如明儒鄧元
錫所云其惟隆慶一志乎然則縣之
名也創議于宋忠定公綱志之修也
大成於邑侯嘉猷此二君者皆系出
太原而予忝屬宗裔越數百年後來

宰斯邑仰觀日峰之高俯察黎川之
深追溯前徽曷勝景行之思哉載考
舊志重修于康熙癸丑迄今八十餘
載矣我

國家重熙累洽典章文物日新月盛苟
積久不修將何以表彰

聖世信今而傳後乎去年夏予蒞任伊始
遑逢續修之會爰同局之縉紳先生
廣詢博諮考文徵獻六閱月而告竣
雖非敢追踪宋明繩武先哲而舊志
亦煥然一新矣雖然新亦何嘗之有
今日之舊前日之新也則今日之新

不將為他日之舊乎惟時緝而修之
俾新新無息與分置命名之義相符
始無負宋明二公之意爾是更望于
後之繼志者

昔

乾隆十六年仲春新城縣知縣晉陽

新城縣志

李序

三

李珥題于縣署冰玉堂



續修新城縣志序

志何為而作慮前者之不傳
而後之人無所考也博取境
內山川形勢今昔仕宦人物
官司兵農禮樂庶務罔不
分類畢記蓋所係匪細矣

新城縣志

周序

一

擇焉不精考焉不詳涉于偏
私而拂乎人之性是不有志
而無志哉新城縣志始輯于
明永樂中正德隆慶一再續
脩我

朝康熙十二年又一修迄今

越八十年矣此八十年中仕
宦人物官司兵農禮樂庶
務不有以增輯之代益以
遠人益以湮事益以沒後之
人不幾嘆夫文之不足徵乎
比者元和方公為縣屬

邑紳士從事續修方公

尋調清江靜樂李公繼

至益督其事而邑紳士瘁

精乎此者數閱月稿成更請

正於郡侯葉公其難其慎

斲折衷於至當焉易揅西

武人忝列科目奉檄分防
茲土訓練營伍之外筆墨
非所敢知然于境內阨隘險
地通道要津並所身歷又自
累代所制營衛仰土諸兵沿
革增損亦嘗考核諮訪計收

斟酌宜為百世守禦之規
會志局諸君以武備志下教
條列籌畫遙獲我心金湯之
固持此行之有餘矣既又以
全稿示易易何能贊一詞哉
蓋已擇精考詳至公無私而
諸山

川形勢今昔仕宦人物官司
農田庶務一披卷而瞭如訂
補前志訛缺而此八十年中
又無俾後之人患夫文之不
足徵也豈不懿哉爰不揣荒
陋勉措數言以識盛舉云

昔

乾隆十六年仲春忠信校尉
管建昌營千總事分防新城
縣兼轄瀘溪縣訊楚武陵
周秉易醒贊氏撰

勸修新城縣志引

昔唐李吉甫作元和郡國志及國計簿謂執此可治天下夫吉甫官宰相猶汲汲重是矧邑令守土者於志其可忽與余嘗教習京師見

內庭前明書目志書入錄者蓋尠獨新城縣志登焉已奉

命出宰茲土亟取今志覽之瞻或近穢疎未免漏於舊志疑不類且失時不續者歷今又七八十年凡所興革皆闕畧不可考邑人士間以公事至論及此咸用慨然嗟乎山川疆域今猶古也而變遷險易不時戶口

新城縣志

引

賦役今猶古也而豐嗇輕重不一又况

聖化翔洽人才蔚興不少道義經濟文學之士出乎其間一聽其若滅若沒久而失傳文獻無徵官斯土者之所怒焉滋懼也搜羅散亡經營剗剗是所望於諸君子匡予不逮也夫

乾隆十五年歲在庚午二月既望元和方懋祿引言

江西新城縣志

卷之首

舊序

編纂姓氏

凡例

總目

繪圖

新城縣志

卷之首

目

一